



Synfocity = 855

mail us at : mzsynfo@gmail.com; mizoramsynod@gmail.com - Phone - 2314648

August 25, 2022

❑ **Counselling Training wawi 35-na**

Mizoram Synod, Family Guidance & Counselling Centre (FG&CC)-in August 11, 2022 aṅanga Church Leaders' Intensive Residential Pastoral Care & Counselling Training wawi 35-na Synod Conference Centre-a a buatsaih chu August 22, 2022 (Thawhtanni) zan khan 'Final Evaluation & Graduation Service' neiin khar a ni. Counselling Training-ah hian Aizawl khawpui chhunga Pastor Bial 9 aṅangin Kohhran aiawh mi 26 an tel a ni.

Training kharna inkhawm hi Rev. Lalsangbera, Director, FG&CC-in a kaihhruai a, he hun hmanpuitu Rev. V.L. Luaia Hranleh, Executive Secretary i/c FG&CC chuan Training chhuakte hnenah Certificate semin thuchah a sawi a. "Lal Isuan a zirtirte hnenah, 'Nangmahnin ei tur pe rawh u' a tih ang khan, kan bul hnaia awm harsatna tawk leh min mamawhtute hnenah ei tur kan pek a ngai a ni" tiin, training chhuakte chuan an thil zirte chu midang te tana ṅangkai taka hmang turin a fuih.

Training kharna inkhawmah hian Training chhuakte chuan an hlawkpui dan a lema an ziaik chu entirin an hrilhfiah a, T.Upa H. Lalthansanga, Chhinga Veng East chuan training chhuakte aiawhin thu a sawi a. Upa Lalbiakmawia Khiangte, Committee Member, FG&CC-in Training chhuakte a ṅawngṅaisak.

FG&CC hian Church Leader pual hian kum 2002 aṅang khan Training a buatsaih ṅhin a, Kohhran hruaitu mi 781 training chhuak an awm tawh a ni.

Synod hian Counselling Centre pakua - Mission Veng, Bawngkawn, Vaivakawn, Champhai, Serchhip, Kolasib, Lunglei, Mamit leh Khawzawl-ah te a nei a. Heng Counselling Centre pakuaah hian tun thlenga pantu (Client) an nei h tawh zat chu mi 46,694 niin, kumin 2022 bika pantu awm tawh zat chu mi 4,827 an ni.

❑ **PBS Graduation Day wawi 52-na**

August 25, 2022 (Ningani) chawhnu dar 1 khan Presbyterian Bible School (PBS) chuan Batch 52-na pualin Farewell and Dedication Programme Mission Veng Kohhran Hall, Mission Veng-ah an hmang.

Programme hi Rev. Lalrinsanga, Principal-in a kaihruai a, Rev. Ramngaihawma Khiangte, PBS Zirtirtu-in inlawmna leh inhmelhriattirna hun a hmang a. PBS Zirtirtu Rev. Lalengzika'n report a pe a. Synod Statistician Rev. Lalsangbera'n zirchhuakte hnenah certificate a hlan a ni.

Rev. Dr. C. Lalhlira, Ex-Moderator-in zirlaite hlanna neiin thuchah a sawi a, zirlai exam-a tiṅha te leh class kal kimte hnenah Rev. P.B. Mankima, PBS Committee member-in lawmman a hlan a, Pu C. Awithanga Award chu Rev. Lalthlengliana, PBS Committee member-in a hlan bawk. Upa C. Roenga, PBS Committee Member-in zirlaite tana ṅawngṅaisakna a nei a. Rev. T. ṅhuamliaana, PBS Zirtirtuin lawmthu sawina hun a hmang a, Chairman-in malsawmnain programme a khar a ni.

PBS-ah hian a din tirh aṅangin tun thleng hian zirlai 2518 an awm tawh a, chung zinga 2130 ten ṅha takin an passed a ni. Tuna batch 52-naah hian zirlai 39 awmin zirlai 32 ten ṅha takin an pass a, exam lo 7 an awm a ni. Exam-a tiṅha zual pathumna thlengin lawmman Rs.1000/-, Rs.700/-, Rs.500/- leh Lawmpuina thuziak PBS Committee hminga hlan an ni a, chungte chu:-

- 1st - Zorinpuia s/o Lalbiaksanga, Chawnpui Kohhran
- 2nd - P.C. Lalmalsawmi d/o P.C. Lalvensanga, Bawngkawn Kohhran
- 3rd - Robert Rosangpuia s/o R. Liankunga, Thenzawl Vengthlang Kohhran.

Batch 52-na zirlai zingah hian class kal kim mi 2 an awm a, lawmman Rs. 500/- ve ve hlan a ni.

Kum 2014 aṅangin zirlai zinga Christian Theology leh Church Administration & PCI Constitution Subject-a tiṅha ber hnenah Pu C. Awithanga Award hlan ṅhin a ni a, award hian pawisa fai Rs.1,000/- a keng tel a ni.

Tun ṅumah hian Zorinpuia'n Christian Theology-ah 92% leh Church Administration & PCI Constitution-ah 95% hmuin tiṅha ber nihna a hauh a ni.

□ **Praise On 2022**

Synod Information and Publicity Department (Synfo) leh Central Kristian Thalai Pawl (CKTP) thawkdunin Branch KTP malzai intihsiakna 'Praise On Solo Competition 2022' an buatsaih leh dawn. He intihsiakna hi Mizoram pum huap a ni dawn a, Presbyterian Kohhran, KTP member-te tan tel theih a ni ang.

Kum 2016 khan Praise On Solo Competition hi hlawhtling taka buatsaih a ni a. Mahse, hemi hnu hian malzai anga intihsiakna chu neih chhonzawm a nih loh hnuah kumin hian buatsaih a ni leh dawn a. He intihsiaknaa tel duh tan August 30, 2022 thleng hming thehluh theih a ni.

Kumin Praise On Solo Competition-ah hian lawmman atan pakhatna Rs. 1,00,000; Pahnihna Rs. 50,000; Pathumna Rs. 30,000 leh Consolation Prize (Top Ten tling chin) Rs. 7,000 hlan an ni ang. Branch KTP malzai intihsiakna hi Aizawl khaw pawn hmun panga leh Aizawl chhung hmun hnihah Sept. 26 - Oct. 6, 2022 chhungin Elimination Round neih tur a ruahman a ni.

Sept. 26 -ah Aizawl khaw pawnah Kolasib Diakkawn Kohhran-ah bul tan a ni ang a, a tuk Sept. 27-ah Lunglei Chanmari Kohhran-ah; Sept. 28-ah Mamit Kohhranah; Sept. 29-ah Serchhip Kawnpui Kohhran-ah leh Champhai Vengthlang Kohhran-ah Sept. 30-ah neih a ni ang.

Aizawl chhungah Aizawl chhim lam tan Oct. 3 & 4, 2022 hian Tuikhuahtlang Kohhran-ah neih a ni ang a, Aizawl North lam tan Oct. 5 & 6, 2022 hian Ramhlun Vengchhak Kohhran-ah neih a ni ang.

Oct. 12 - 13, 2022 -ah Second Round, Synfo Studio leh Mission veng Kohhranah neih a ni ang a, Oct. 13, 2022-ah Second Round Result puan a ni ang.

Top 50 intihsiakna hi ni thum chhung - Oct. 18, 20, leh 21, 2022-ah Republic Veng Kohhranah neih tur niin intihsiakna neih zawhah result puan nghal a ni ang. Oct. 27 & 28, 2022 hian Top 20 intihsiakna chu Chaltlang Kohhran-ah nghah niin intihsiak zawhah result puan nghal tura ruahman a ni.

Top 20 atangin Top 10 thlan chhuah tur niin hei hi Final Round a ni nghal dawn a. He round hi Nov. 8 & 17 khian Mission Vengthlang Kohhranah neih tura ruahman a ni a, Nov. 18, 2022 khian 'Praise On Solo Competition' Final Result puan a ni ang

Kumin Branch KTP malzai intihsiakah hian Upa C. Vanlalvuana, Chanmari; Upa Zothanmawia, Khatla leh Stacy VL Muanpuui, Tuikual te'n Endik hna an thawk dawn a ni.

□ **Synod Mission Board leh ram pawn chet velna**

◆ **Chakma Hlabu Revise**

Aug. 24 & 25, 2022 chhung khan Home Mission a hman lai Chakma Hlabu chu Revise a ni a, hemi tur hian Chhim lam leh Hmar lama Chakma te, Evangelist leh Pastor, Chakma tawng thiam ten Revise hna hi an thawk a ni.

◆ **Jharkhand Mission Field**

Aug. 17, 2022 (Nilaini) khan chhungkaw khat (member 5) Lal Isua zui turin an inpe a, ni 18 (Ningani) khan Believers Church atangin chhungkaw 34 (member 161) kan Kohhranah an inpe a, mi 4 Lal Isua turin an inpe a, ni 19 (Zirtawpni) khan mi 1 Lal Isua zui turin a inpe bawk.

Aug. 20 & 21, 2022 chhung khan Joint Pastorate Meeting hawwna leh Special Joint Pastorate Meeting neih a ni.

◆ **Assam Mission Field**

Aug. 20, 2022 (Inrinni) khan Assam Mission Field a Dibugarh Pastor Bial-ah Fellowship thar Duliajan Fellowship chu hawn a ni.

Duliajan-ah hian Kum 2018 vel atang khan bial chhung Evangelist-ten Prochar neiin Digboi-a kan member, Duliajan-a pem ta te bakah a remchang ang angte tlawh kual a ni a. Kum 2020-2021 chho khan Duliajan-ah hian a remchan angin Prochar neiin fehchhuah thin a ni a. Hmalak bul tan nan March 23, 2022 khan Kraws Sipai pakhat a awm tan a, Missionary erawh dah a la ni lo. Pathian zarah Member-te lo pung ve hret hretin fellowship hawn lai hian Kohhran member 19 (Puitling 13 leh naupang 6) an awm a ni.

Aug. 21, 2022 (Pathianni) khan mi 1 Lal Isua zui turin a inpe.

◆ **Home Mission North**

Synod Home Mission School Thaidawr-te chuan Pu P. Lalbiaka Contractor, Aizawl Lungmual veng, Mualthuam - Thaidawr kawng siamtute chhungkua-in Sikul naupangten Computer an zirna atan leh tangkai taka an hman atan Computer Set 5 leh Printer 1 an pe a. Sikul naupangte pawhin Computer khawvelah hmasawwna ropui tak an neih phah ngei kan beisei.

Aug. 21, 2022 (Pathianni) khan Marpara 'N' -ah mi 15 Lal Isua zui turin an inpe bawk.

◆ **Siliguri Mission Field**

Aug. 21, 2022 (Pathianni) khan Siliguri Mission Field, Belakoba Pastor Bial-a Gulgulia Preaching Station Biak In thar chu Rev. Dr. K. Lallawmzuala i/c Mission, Mizoram Synod chuan a hawng a. Biak In hawnaah hian Mizoram lam atangin Synod Mission Board BEC member-te Rev. C. Sapaika leh Upa Lalramliana; Durtlang Kohhran atangin Rev. R. Lalhmingthanga (Ex-Synod Moderator) leh Upa Lalnunchama te an tel a. Field Secretary Rev. Lalhruitluanga Ralte te, Field chhunga Pastor awm te, thawktu thenkhat, Kohhran member leh bial chhung Kohhran mi thahnem takin Biak In hawn Inkhawm hi an hmang a, Biak In thar lawmna ruai hlim takin kan theh ho bawk. Gulgulia Kohhranah hian Adivasi Chhungkua 39 an lawi a, member 165 niin kumin hian ringthar mi 9 an nei tawh bawk.

◆ **Delhi Mission Field**

Aug. 21, 2022 (Pathianni) khan mi 2 Lal Isua zui turin an inpe.

◆ **Arunachal & Assam Mission Field (East)**

Aug. 21, 2022 (Pathianni) khan mi 1 Lal Isua zui turin a inpe.

◆ **Arunachal & Assam Mission Field (West)**

Aug. 21, 2022 (Pathianni) khan mi 1 Lal Isua zui turin a inpe.

◆ **Nepal Mission Field**

Aug. 21, 2022 (Pathianni) khan mi 3 Lal Isua zui turin an inpe.

◆ **Karbi Anglong Mission Field**

Aug. 21, 2022 (Pathianni) khan mi 8 Lal Isua zui turin an inpe.

◆ **Odisha Mission Field**

Aug. 21, 2022 (Pathianni) khan mi 2 Lal Isua zui turin an inpe.

□ **Worship**

Aug. 25, 2022 (Ningani) hian Phullen Vengthar-ah Zaipawl Conductors' Training neihpui turin Pu H. Lalrinmawia, Senior Instructor a kal.

□ **Finance**

Aug. 27, 2022 (Inrinni) hian Thuampui Venglai Kohhranah Accounts Training neihpui turin Trainer te Upa David Lalnunfela leh Upa Vanlalrawna Kiangte te an kal ang.

□ **Synod Social Front**

◆ Aug. 27 & 28, 2022 hian Zote Bial leh Bungtlang Bialah te Synod Social Front Campaign nei turin Resource Person te hetiang hian an kal ang.

Zote Bial - Rev. Lalrinmawia, Rev. Dr. Lalawmpuia Hauhnar leh Upa C. Chawngthantluanga Bungtlang Bial- Rev. Malsawmdawngliana, Upa C.H. Thangkuma leh T.Upa Isaac Lalremruata

◆ Aug. 28, 2022 (Pathianni) hian Lungleng Kohhran-ah Ruihlo & HIV/AIDS Awareness Campaign nei turin T.Upa K. Lalenzama leh Nl. Vanlalhruii te an kal ang.

□ **MSSU**

◆ Aug. 26, 2022 (Zirtawpni) zan hian Tuithiang Veng Kohhranah Sunday School Zirtirtu Training leh Retreat neihpui turin Upa B. Lalhmunliana, MSSU Trainer a kal ang.

◆ Aug. 27 & 28, 2022 hian Tualcheng Bial-ah Sunday School zirtirtu training neihpui turin MSSU Trainer te Upa K. Vanlalnghaka, Upa Hrilthansanga leh Upa R. Vanlalhruii te an kal ang.

◆ Aug. 27, 2022 (Inrinni) hian ITI Vengchhak Kohhranah Sunday School zirtirtu training neihpui turin Pu HK Hmingthanzuala, Asst. Coordinator leh MSSU Trainer te T.Upa Lalthanchhunga leh Upa Lalsiammawia Pachuau te an kal ang a, zan inkhawmah Naupangte hnena rawngbawlina chungchang thuchah T.Upa Lalthanchhunga'n a sawi ang.

□ **Synod Relief Fund**

Tun hnaia harsatna hrang hrang nei te hnenah Synod Relief Fund atangin hetiang hian chhawmdawlina pek a ni.

S.No	Khua	Pek chhan	Chhungkaw zat	Pek zat
1.	Bungtlang Bazar Veng	Vanduaina tawk	6	Rs. 50,000/-
2.	Samthang	Damlo	1	Rs. 8,000/-
3.	Biate	Damlo	1	Rs. 8,000/-
4.	Khawbung Vengpui	Damlo	1	Rs. 8,000/-
5.	Chhingchhip Venghlun	Damlo	1	Rs. 8,000/-
BELHKHAWM				Rs. 82,000/-

- ❑ **Campus Ministry**
Aug. 26, 2022 (Zirtawpni) hian Mamit-ah Campus Ministry Symposium neih a ni dawn a, he hunah hian Director Rev. R. Ramnghinglova; Resource Person te T.Upa Lalthlamuana leh T.Upa K. Lalengzama leh zaithiam Nl. H. Lalremruati te an kal ang.
- ❑ **AUGUST 26, 2022 (Zirtawpni) (FM Zoawi - Aizawl & Lunglei @ 7:30 p.m.):**
Solo : Felina Lalremruati - Lei hrehawmah
Zaipawl : Lunglei Presbyterian choir - Aw, Chawimawi ula
Thusawi : Rev. Joseph Lalnunmawia - Rinawmna um zel rawh
Solo : Nancy Lalchhanhimi - Lalpa'n a duh che
Zaipawl : Hlimen Bial Zaipawl- Damna Isua.
- ❑ **Susamachar Prasaran Programme :**
AUGUST 28, 2022 (Pathianni) 5:00 pm. :
Group/Choir/Solo : Chhinga Vengthlang - Yedi koy-i
Group/Choir/Solo : Zotlang Kohhran Masihi Sangati - Shukriya Tera
Sermon : Rev. J.C Lalramliana - Jisu Jibona Jyoti
Group/Choir/Solo : Govt. Complex Kohhran - Syon Desh
Group/Choir/Solo : Venghnuai Kohhran - Milkar Hamm
- ❑ **Moderator leh Executive Secretary-te Programme:**
Rev. Dr. Vanlalnghaka Ralte : Moderator
Aug. 23, 2022 Manipura Area Committee
Aug. 26, 2022 Kolkata - Serampore Programme
Aug. 27 - 30, 2022 Delhi - Kohhran tlawh
Rev. C. Zorammawia : Senior Executive Secretary
Aug. 22 - 25, 2022 Manipur Area Committee, Manipur
Rev. V.L. Luaia Hranleh : Executive Secretary
Aug. 25 - 27, 2022 North East India Translations Advisory Committee (NEITAC), Shillong
Aug. 28, 2022 Social Front Programme, Kulikawn Bial
Aug. 29, 2022 Central Kohhran Hmeichhe Committee
Sept. 1, 2022 Consultative Committee - Hospital
Rev. Dr. K. Lallawmzuala : Executive Secretary
Aug. 15 - 26, 2022 Field Committee - Siliguri, Nepal, Kolkata leh Odisha

HNA RUAK DIL THEIH

Mizoram Presbyterian Kohhran hnuai **Hmangaihna In**-a thawk turin a hnuai hna hi a ruak a, kum 18 - 35 inkar, ni 28.09.2022 a kum 18 tling, kum 35 la pumhlum lo, zuk leh hmuama fihlim, Presbyterian Kohhran mi tan dil theih a ni. Hna dilna form chu ni 22.08.2022 (Thawhtanni) atangin Synod Office (Aizawl leh Lunglei)-ah lak chhuah theih a ni. Dilna hi Synod Office, Aizawl-ah thelhuh tur a ni a. Application form man Rs. 20/- a ni. Hna dilna form-ah hriattur pawimawh tihlan a ni.

Hna hming : **Case Worker (Contract) post - 1**
Thiamna : Graduate of any recognised University
Hlawh : Synod hnuai contract Case Worker hlawh

Dil theih hun chung : Dt. 22.9.2022 (Ningani), 2:00pm thleng
Screening Test/exam : Dt. 24.9.2022 (Inrinni), 10:00am
Interview : Dt. 28.9.2022 (Nilaini), 11:00am

Sd/-
Rev. C. Zorammawia
Secretary, Synod Service Board
Synod Office